

ქ. თბილისი

17 თებერვალი 2015 წ.

ერთის მხრივ, ქ. თბილისის მერიის ა(ა)იპ „თბილისის საბავშვო ბაგა-ბაღების მართვის სააგენტო“ (შემდგომში – შემსყიდველი) მისი დირექტორის თემურ თორდინავას სახით და მეორეს მხრივ, შპს „პენსან ჯორჯია“ (შემდგომში – მიმწოდებელი) დირექტორის გიგა გობიანიძის სახით, ეხელმძღვანელობთ რა საქართველოში მოქმედი კანონმდებლობით, „გამარტივებული შესყიდვის, გამარტივებული ელექტრონული ტენდერის და ელექტრონული ტენდერის ჩატარების წესის“ მე-3 მუხლის I პუნქტის „ა“ ქვეპუნქტის საფუძველზე ვდებთ წინამდებარე ხელშეკრულებას შემდეგზე:

1. ხელშეკრულების საგანი და ობიექტი

- 1.1 ხელშეკრულების საგანია ა(ა)იპ „თბილისის საბავშვო ბაგა-ბაღების მართვის სააგენტო“-სათვის საკანცელარიო საქონლის (CPV 30100000 საოფისე მანქანები, კომპიუტერების, პრინტერებისა და ავეჯის გარდა) შესყიდვა წინამდებარე ხელშეკრულებით გათვალისწინებული პირობების შესაბამისად, გამარტივებული შესყიდვის საშუალებით.
- 1.2 ხელშეკრულების ობიექტის სრული აღწერა, რაოდენობებითა და ერთეულის ფასებით მოცემული ხელშეკრულების დანართში (დანართი №1), რომელიც წარმოადგენს წინამდებარე ხელშეკრულების განუყოფელ ნაწილს და განიხილება მასთან ერთად.

2. ხელშეკრულების საერთო ღირებულება

- 2.1 შესყიდვის ობიექტის ფასი განსაზღვრულია ლარებში.
- 2.2 შესყიდვის ობიექტის საერთო ღირებულება შეადგენს **699.75** (ექვსას ოთხმოცდაცხრამეტი ლარი და სამოცდათხუთმეტი თეთრი) ლარს, ხელშეკრულებით გათვალისწინებული თანამდები ხარჯების (დ.დ.გ. და სხვა) ჩათვლით.

3. შესყიდვის ობიექტის ხარისხი

- 3.1 მიმწოდებელი იძლევა გარანტიას, რომ მიწოდებული ობიექტის ხარისხი უპასუხებს ხელშეკრულების პირობებს და დააკმაყოფილებს შემსყიდველის მოთხოვნებს.
- 3.2 შესყიდვის ობიექტის ხარისხი უნდა შეესაბამებოდეს ამ სფეროში არსებულ სტანდარტებს და ნორმებს.

4. შესყიდვის ობიექტის მიწოდების პირობები

- 4.1. შესყიდვის ობიექტის მიწოდება განხორციელდება ხელშეკრულების გაფორმებიდან 10 (ათი) დღის განმავლობაში.

5. შესყიდვის ობიექტის მიღება-ჩაბარების წესი

- 5.1 შესყიდვის ობიექტის მიღება ფორმდება მიღება-ჩაბარების აქტით, შემსყიდველისა და მიმწოდებლის საამისოდ უფლებამოსილი წარმომადგენლის ხელმოწერით.
- 5.2 ხელშეკრულების შესრულების კონტროლზე და ხელშეკრულებით გათვალისწინებული მიღება-ჩაბარების აქტის გაფორმებაზე უფლებამოსილია - ა(ა)იპ „თბილისის საბავშვო ბაგა-ბაღების მართვის სააგენტო“-ს აპარატის უფროსი მაკარ მაკარიძე.

6 ანგარიშსწორების ფორმა, გრაფიკი (ვადები) და ადგილი

- 6.1 მიწოდებული ობიექტის ღირებულების ანაზღაურება მოხდება უნაფლო ანგარიშსწორებით.
- 6.2 ანგარიშსწორება შემსყიდველის მიერ მოხდება საქონლის მიწოდებისა და აღნიშნულის თაობაზე მხარეთა შორის მიღება-ჩაბარების აქტის გაფორმებიდან 20 (ოცი) დღის განმავლობაში.
- 6.3 მიღება-ჩაბარების აქტის გაფორმებასთან ერთად, მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია, წინააღმდეგ შემთხვევაში, შემსყიდველს უფლება აქვს უარი თქვას ანგარიშსწორებაზე.
- 6.4 ანაზღაურების ადგილია ქალაქი თბილისი.

7. მხარეთა უფლება-მოვალეობანი

- 7.1 შემსყიდველს უფლება აქვს:

- შეამოწმოს მიწოდებული საქონლის ხარისხის შესაბამისობა ხელშეკრულებით გათვალისწინებულ პირობებთან;

7.2 შემსყიდველი ვალდებულია:

- მოახდინოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად;

- უზრუნველყოს შესყიდვის ობიექტის მიღება.

7.3 მიმწოდებელს უფლება აქვს:

- მოსთხოვოს შემსყიდველს მიწოდებული საქონლის ღირებულების ანაზღაურება ხელშეკრულებით გათვალისწინებული პირობებით.

7.4 მიმწოდებელი ვალდებულია:

- დაიცვას ხელშეკრულებით გათვალისწინებული ყველა პირობა.

8. მხარეთა პასუხისმგებლობა ხელშეკრულების დარღვევისას

8.1 მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.

8.2 თუ ხელშეკრულების რომელიმე მხარე დაარღვევს წინამდებარე ხელშეკრულებიდან გამომდინარე ვალდებულებას, მაშინ ხელშეკრულების მეორე მხარეს შეუძლია მოითხოვოს ხელშეკრულებიდან გასვლა, რაზედაც უნდა შეატყობინოს მეორე მხარეს წერილობით, რომელშიც უნდა იყოს მითითებული დამატებითი ვადები დარღვევის აღმოსაფხვრელად, ხოლო თუ ვალდებულების ხასიათიდან გამომდინარე შეუძლებელია გამოყენებულ იქნას დამატებითი ვადა, მაშინ დამატებითი ვადის განსაზღვრას უთანაბრდება გაფრთხილება/შეტყობინება.

8.3. თუ მიმწოდებელი გაფრთხილების/შეტყობინების შემდეგაც არ ასრულებს ან არაჯეროვნად ასრულებს ნაკისრ ვალდებულებებს, შემსყიდველს უფლება აქვს ცალმხრივად შეწყვიტოს ხელშეკრულების მოქმედება და დააკისროს მიმწოდებელს ჯარიმა ხელშეკრულების საერთო/ჯამური ღირებულების 5%-ის ოდენობით.

8.4 ხელშეკრულების გასვლისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.

8.5 ხელშეკრულების გასვლასთან და ზიანის ანაზღაურებასთან დაკავშირებით შესაბამისად გამოიყენება საქართველოს სამოქალაქო კოდექსის შესაბამისი მუხლები.

9. ხელშეკრულების მოქმედების ვადა

9.1 ხელშეკრულების მოქმედების ვადა განისაზღვრება ხელშეკრულების ხელის მოწერის დღიდან 2015 წლის 31 დეკემბრის ჩათვლით.

10. ხელშეკრულების პირობების გადასინჯვის შესაძლებლობა

10.1 წინამდებარე ხელშეკრულების პირობების, მათ შორის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

11. ფორს-მაჟორი

11.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

11.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

11.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისდა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოიწვიოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

12. დავები და მათი გადაწყვეტის წესი

12.1 ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

12.2 შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

13. ხელშეკრულების ინსპექტირების პირობები

13.1 შემსყიდველი უფლებამოსილია საქონლის მიწოდების პარალელურად მოახდინოს მიწოდებული საქონლის შემოწმება, რომლის მიზანია მისი შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

13.2 ხელშეკრულების ინსპექტირებას შემსყიდველის მხრიდან განახორციელებენ წინამდებარე ხელშეკრულების 5.2 მუხლში აღნიშნული სამსახური.

13.3 შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს დაწუნებული საქონლის რაოდენობისა და წუნდების მიზეზების მითითებით.

13.4 გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.

14. სხვა პირობები

14.1 მხარეები აუნაზღაურებენ ერთმანეთს მიყენებულ ზარალს საქართველოს კანონმდებლობის შესაბამისად.

14.2 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

14.3 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

14.4 ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და მეორე პირი შემსყიდველთან). ხელშეკრულებასთან დაკავშირებული ნებისმიერი მიმწვერა შესრულებული უნდა იყოს ქართულ ენაზე.

14.5 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

15. მხარეთა იურიდიული მისამართები და რეკვიზიტები

შემსყიდველი

ა(ა)იპ „თბილისის საბავშვო ბაგა-ბაღების მართვის სააგენტო“

მის: ქ. თბილისი, ყაზბეგის გამზ. №30

ს/კ: 404905475

სახელმწიფო ხაზინა

TRESGE22

ა/ა: GE24NB0330100200165022

მიმწოდებელი

შპს „პენსან ჯორჯია“

მის: თამარ მეფის №18

ს/კ: 404870760

ს/ს „ვითიბი ბანკი ჯორჯია“


UGEBGE22

ა/ა: GE 35VT6500000055555555

სააგენტოს დირექტორი
თემურ თორდინაშვილი



დირექტორი
გიგა გობიანიძე



Handwritten signature in blue ink.

2015 წლის 17 თებერვლის #18 ხელშეკრულებასთან

ფასების ცხრილი


#	დასახელება	CPV	განზომილება	რაოდენობა	ერთეულის ფასი (ლარი)	ჯამი (ლარი)
1	საარქივე საქალაქო პოლიმერული	30192000	ცალი	20	2.50	50.00
2	დანა საკანცელარიო	30197310	ცალი	20	0.75	15.00
3	დაფის საშლელი საწმენდი	30192000	ცალი	5	1.50	7.50
4	დაფა საოფისე (პატარა ზომის)	30195000	ცალი	1	8.00	8.00
5	მაგიდის თარო (3 საფეხურიანი)	30193200	ცალი	5	10.00	50.00
6	მარკერი ტექსტის	30192125	ცალი	20	0.55	11.00
7	კორექტორი კალამი	30192160	ცალი	20	0.70	14.00
8	სკოჩი დიდი	30192000	ცალი	5	0.75	3.75
9	სკოჩი პატარა	30192000	ცალი	20	0.20	4.00
10	სტეპლერი საშუალო ზომის	30197320	ცალი	10	2.00	20.00
11	სტეპლერის ტყვია საშუალო ზომის	30124400	ცალი	20	0.20	4.00
12	სტეპლერი პატარა ზომის	30197320	ცალი	5	1.30	6.50
13	სტეპლერის ტყვია პატარა ზომის	30124400	ცალი	10	0.20	2.00
14	კომპიუტერის სველი საღვეთი	30192000	ცალი	20	3.50	70.00
15	მკრატელი საკანცელარიო	30192000	ცალი	10	1.50	15.00
16	კალამი ბურთულიანი	30192121	ცალი	300	0.10	30.00
17	წებოვანი ფერადი ჩასანიშნი ფურცლები	30196200	შეკვრა	40	0.75	30.00
18	სკრეპი	30197220	კოლოფი	20	0.35	7.00
19	მექანიკური ფანქარი (წვრილწვერიანი)	30192131	ცალი	20	0.25	5.00
20	მექანიკური ფანქრის გულები	30192131	ცალი	20	0.25	5.00
21	სათლელი	30192133	ცალი	20	0.15	3.00
22	საშლელი	30192100	ცალი	20	0.20	4.00
23	მარკერი დაფის სხვადასხვა ფერის	30192125	ცალი	20	0.55	11.00
24	კალკულატორი სამაგიდე (საშუალო ზომის)	30141200	ცალი	10	8.00	80.00
25	შემოსაკრავი რეზინი	30192000	კოლოფი	5	8.00	40.00
26	კალამ-ფლომასტერი	30192124	ცალი	50	1.50	75.00
27	ტექსტმარკერი სხვადასხვა ფერის	30192125	ცალი	20	0.55	11.00
28	CD დისკი 700MB	30192000	ცალი	50	0.25	12.50
29	საკანცელარიო წებო	30192000	ცალი	20	1.50	30.00
30	კლიპსები (სხვადასხვა ზომის)	30192000	ცალი	40	0.20	8.00
31	ჭიკარტი თავიანი	30197120	კოლოფი	10	0.35	3.50
32	ცელოფნის მყარი საქალაქო დასახური	30192000	ცალი	40	1.60	64.00
სულ ჯამი:						699.75

ა(ა)იპ „თბილისის საბავშვო ბაგა-ბაღების მართვის სააგენტო“

შპს „პენსან ჯორჯია“



თემურ თორდინავა
დირექტორი *თ. თორდინავა*



გიგა გობინიძე
დირექტორი